

Pilimon

Pâlaŋ Pilimongat zapat meluwaŋ kapi kumsaye

Pâlaŋ zapat meluwaŋ kapi kumti an notnaŋ nâmkîŋpepeyeen aik kwatpeye Pilimongat kuye. Zapat meluwaŋ kapi an kwepgat kuye. Timotiyetnaŋaŋ kot Pilimon delaŋ zeinen Pâlaŋ an kwep kwepgat zezapat meluwaŋ kumindaye yaŋgut zet zapat meluwaŋ keyet keŋan talip keyaŋ nin sambe kapi ŋep ndamukulem mimiyele. Zapat meluwaŋ kapi tungupmaŋ sambe yek; ek ilak kwep keboŋ.

Pilimon ek Kolosi mka temaŋ keyelen amobotnaŋ ma an mânep milawatnaŋ sambe. Ek ilak Kolosi mka temaŋ keyelen toŋaŋ ma an nâmkîŋpepeŋaŋmak. Ek kegogak mulup animbiŋanen sambe. Ekŋenmagengatnaŋ kwep ŋen kuŋzuŋ meti Pâlmak Loma msalen mka katikŋan ilisukwep tati Pâlaŋ Kawawaŋgalen Zet Zapat Dolakŋaŋ Penaŋ ke dundume nâmti nâmkîŋpeye. Kegok aikgeyepmti peme toŋaŋmagen gilik zemebegalen nâmti Pilimonanŋ Onesimas sisiliŋ nempaŋaŋ ke toŋinaŋ zigok ma zigok mamindamtemien keyet kataŋ kumsasayelen nâmti zapat meluwaŋ kapi kumsaye. Zapat meluwaŋ kapiyet keŋan zet tazinen Kilaisiyaŋ Kawawaŋgaŋat an ŋep keŋ gilik zenze aikme Kawawaŋgat dundum sanak keboŋ. Ma Kawawaŋgaŋ am nin ndikme sepem kwep mambein. Egaŋ kumakalaŋ ndein animbi ma am mânep milawatnaŋmak ma an tototnaŋ sekŋaŋ satnaŋ ma sekŋaŋ sopmaŋ, nânâŋaŋmak ma nânâŋaŋpiŋ kegok egaŋ ku man. Pâlaŋ Onesimas peme Pilimonmagen gilik zem mesâgât nâmti kukŋaŋat egaŋ notnaŋ Pilimon zemkâkât msamti Onesimas peme gilik zem ekmagen mege.

Zet ŋoktekŋaŋ temaŋ kapigogaŋ Pilimongalen zapat meluwaŋ keŋan talip:

1-3 Mukuku zet

4-7 Dundundu ma zemsesewat

8-21 Pâlaŋ Onesimasiyet zemkâkât toŋaŋ Pilimongat mge

22-25 Zemgwaŋtaŋ zet delaŋ zenzeŋaŋmak dundundu dundum delaŋ zenzeyelen zet

Keŋ mbuteteyelen zet

¹O Pilimon notn penañ, neŋ Zisas Kilaisiyet zetnaŋ mpalakñaŋ bema keyet pepetnaŋ mti nati tot mka katikñaŋ neme tapma Kilaisimagen notn Timoti egaŋ kapi mamti napmukulem mamin. Yaŋ nit nsakwep kapi tati mulup an notnit penañ Pilimon gâgât keŋnit beme zapat meluwaŋ kapi kumti galup. ²Nit dapmelanŋe gâlen mkaen maondagip ekŋengat ma nâmkĩŋpepen ipnit Apia egat ma Akipasiyaŋ nit nemborŋ bekananŋat kasa kuku an dolakñaŋ mamain ingat zapat meluwaŋ temakwep kapi kumbemalu kozin.

³Neŋ Bipm Kawawaŋ ma Amobotnaŋ Zisas Kilais egegalen keŋ taoletmak keŋ sewak ingat tunŋuwinan wemti weweyet mandunduyap.

⁴⁻⁵Geŋ Amobotnaŋ Zisasiyet tikñaŋdi temaŋ tapme ek nâmkĩŋpemamti egalen am notnaŋ indamukulem mamindenik keyet zet zapadi kopme nâmban keyepmti gâgât otnâmti Kawawaŋgat wisikŋ manzeyap. ⁶Âpme neŋ gâgât mandunduyap kelak geŋ nâmkĩŋpependi tazin ke am zemzikat indamane ekŋengalen nâmkĩŋpepeŋin lemunaŋ temaŋ beme ekŋenaŋ kwilekiki dolakñaŋ mbewaŋ Kilaisiyet kwizapatnaŋ mwabe. ⁷Kilaisimagen notn, geŋ Kawawaŋgalen am ekŋengat keŋdi bembe ma ekŋengat keŋin mwatindewanan keyaŋ nâgât keŋŋ mme oloŋen ma eleŋ beleŋ penañ beye.

Pâlaŋ Onesimasiyet yayaŋ zet zeye

⁸Notn, neŋ Kilaisimagen gâgât nodi mamayap keyepmti neŋ kwitnaŋ kwitnaŋ ke mimiyeleŋ ñep gapitilima mbek. ⁹Yaŋgut neŋ gâgât tikñaŋŋ omba tazin keyepmti belak etaŋ wekumgamti eksowap. Neŋ ailip penañ. Neŋ Zisas Kilaisiyet kwizapatnaŋ mpalakñaŋ bema keyet pepet mti nati mka katikñaŋ kotneme matalap. ¹⁰Âpme neŋ Onesimas egat weŋnok zet ñen pigok zema nâmbak. Neŋ mka katikñaŋen tapma Onesimasiyaŋ niksât kopme neŋ Kawawaŋgalen buŋam zapat dundumti mukulem mpema keŋ gilik zemti Kawawaŋ nâmkĩŋpeye keyaŋ mme nâgât nemun penañ bemti kandaŋnnan main. ¹¹Eweŋan egaŋ geŋmak manŋe kan keyet mukulem dolakñaŋ ku mgaye. Yaŋ alak egaŋ neŋmak mamti mukulem dolakñaŋ tapmnemkwazin. Yaŋ maneti pema geŋmagen kobeen mukulem dolakñaŋ mgawe.

¹²Neŋ Onesimas wembekatn penañ ke pema alak naman geŋmagen kozin. ¹³Neŋ Kawawaŋgalen Zet Zapat Dolakñaŋ Penanŋapmti mka katikñaŋen neme tapma egaŋ nikdamuŋ dolakñaŋ mamin keyepmti neŋ ek anŋalaŋma neŋmak kapi tatagalen penañ nâyaŋ. Egaŋ gâgât weŋnok neŋmak mamti napmukulem mnenagen dolakñaŋ penañ benak. ¹⁴Wa neŋ geŋ napmukulem mimiyeŋ gapitilim gemti zet kapi ku zeyap. Giti weyaŋ nâmtati zetnaŋ zemdeleŋ zenzeyet nâmti zeyap. Nit ñoktik kwep bembepiŋ neŋ nenak egat zetnaŋ ñep ku zemdeleŋ zenzeyelen.

¹⁵ Onesimasiyan kan belaknik bugan kapi gemti kunzun̄ti pienen koti main. Keyepmti taekmane gilik zemti kopme naman mkitik pemane gitimak ke kwesiñ mamambe. ¹⁶ Wa ek sisiliñ nembra etañ mamtan kebon̄ yek. Egañ notnañ sambe ekñen sebemindein. Ek Kilais nâmkĩñpepeen an notnit penañ. Egañ neñmak pien mamti napmukulem dolakñañ penañ mamimnein. Yañ geñmagen kobeen kegogak gapmukulem dolakñañ penañ mme geñ sisiliñ mimiñañgat ma Amobotnañmagen notn penañ mamain keyet nâmti egat nâmpemane pembenañ bewe.

¹⁷ Keyepmti geñ nâgât notn penañ nâmn̄enik beme neñ kopma mnawek keyet weñnok taekmane egañ kopme ekti ek msawanik. ¹⁸ Egañ geñmagen kwileki ñen myuñguye ma geñmagen kwileki ñen butnañ mututuyelen tapme kunzun̄ koge beme geñ nâgât damuñ tapmane neñ koti ekbap. ¹⁹ Neñ nenn betnnañ penañ pigok kumpema ekbak: Neñ Pâl, nen egalen butnañ ke neñ koti mutumgawap. Neñ geñmagen Kawawañgalen Zet Zapat Dolakñañ Penañ dingoma nâmti geñ Kawawañmagen keñ gilik zenze aikbanan. Keyet nâlen butnañ temañ ewe geñmagen tazin. Neñ keyet zet sambe ku zesap. ²⁰ Keyepmti Kilaismagen notn, pigok zema nâmbak: Amobotnañ Kilais egat mti wekumgayap kapi mmane neñ gâgât oloñen penañ mbap.

²¹ Neñ gâlen zet gawepupundi tazin e penañ nâmgayapgapmti zapat meluwañ kumambe puk tatnâyp. Wekukun sambe gâgât beyap kapi ñep mti notnañ ewe gitañgat keñdan tusumti mbanik. ²² Pi nan zet ñen ewe pigok zema ekbak. Kawawañañ gâlen dundundudañgat penañañ neñ napmukulem mneme mka katikñañ pemti geñmagen sakwep kobap. Ke nâmkĩñpeyap keyepmti geñ nâgât mka keñañ ñen eweñanak weyañpemane tabe.

Zet delañ zenzeñañ

²³ Epapalasiyak nit nilisakwep Zisas Kilaisiyet kwitnañ mpalakñañ bembeyet mulupmañ mmalu keyepmti mka katikñañ kot ndeme tati in indamukumindenup. ²⁴ Âpme mulup an notnne notnañ Loma mkaen mamaip Mak ma Alistakasimak Demasmak Luk ekñenañ kegogak ingat keñin temañ penañ mambein.

²⁵ Amobotnañ Zisas Kilais egalen keñ taolet in sambemagen tatagalen nâmti mandunduyap.